

O quocumque magis cupitis vos nomine dici
 Pulchrarum lymphæ gaudia Naiadum.
 Non vos parva manet pro tali gratia factio;
 Nec donum oblitis excidet ex animis.
 Jam celebres, jam lætæ eritis: vestra alite pennæ
 Ibit ad extremos fama Boristhenidas;
 Quotque salutiferi fontes celebrantur ubique,
 Optabunt vestrum jam sibi quisque decus.
 Insonuit liquor ecce: Salus ex æthere lapsa
 Implevit vestros, Numina sancta, lacus.

E L E G I A I I.

DE LAUDIBUS CUJUSDAM SACRI ORATORIS.

QUI Demosthenæ miratus fulmina linguæ,
 Et cultam Actæi munditiem Isocratis,
 Cecropio suavem mage melle, & floribus Hyblæ,
 Ipsarumque ipsis deliciis Charitum;
 Qui mage vim Tulli miratus vincere utrumque
 Certantis, Latio vota probante Jove,
 Sæpius invidique, illos & jure vocavi
 Felices, priscis aurea temporibus
 Quos tulit illa ætas in magnæ aut Pallados urbem,
 Aut septemgemina Martis in urbe fatos;
 Jam nil invideo, Marotti candide, Grajis,
 Invideo antiquis nil ego Romulidis:
 Cedere nam veterum nulli V..... hercle
 Dignus, mirifico me beat eloquio
 Adtonitum sensus omnes; tantæ ille profundæ
 Doctrinæ e sacro pectore divitias;
 Uberrim rivo quas multiplici exundantes
 Excipit effusi pendula vis populi;

Quoquæ